

quelque chose de nous, vous en verrez qui viendrôt demander des pruneaux, pource qu'ils ont mal au pied où a la main.

Le iour de Noël comme le Pere de Quen & moy reconduiffions sur le foir nos Peres de nostre Dame des Anges qui nous estoient venus aider à entendre les confessions de nos François, passans ou estoient les Sauvages, nous trouuafmes *Makheabichtichiou* qui faisoit vn cry public par les cabanes. Il crioit d'une voix si forte & avec vn accent si violent, que ie pensois au commencement qu'il fut yure. Il estoit indigné de ce que quelques ieunes Sauvages estans entrez en vne maison de François, auoient pris du pain & quelques espics de blé d'Inde qu'ils auoient rencontré. Il s'escricoit donc à pleine teste, vous ieunesse qui vous allez faire instruire tous les iours, vous derobez & cependant on vous enseigne que celuy qui à tout fait vous le [249 i.e., 245] deffend, est-ce ainsi que vous obeissez, vous n'avez point d'esprit, ne craignez vous point que les François ne vous pendent? ce ne font pas les vieillards qui font ces coups là, ce font les ieunes gens qui n'ont point d'esprit. Il parloit avec telle ardeur que ie m'en estonnay.

Le 26. du mesme vne femme Sauvage me demanda si les femmes ne pouuoient pas bien aller au Ciel, aussi bien que les hommes & les enfans; luy aiant respondu que oüy, pourquoy donc replique elle, n'instruis tu point les femmes, n'appellant que les hommes & les enfans. Je luy respondis qu'elle auoit raison, & que nous les ferions venir à leur tour, ce que nous fismes, mais il les fallut bien-toft congédier, pource qu'elles apportoiert les petits enfans qui faisoient vn tres-grand bruit.